

Канон Святому Духу

Творение преподобного Феофана.

Песнь 1

Ирмос: Горькия работы избавлься Израиль, непроходимое пройде, яко сушу, врага зря потопляема, песнь, яко Благодетелю, поет Богу, чудодеющему мышаю высокою, яко прославися.

Слава Тебе, Боже наш, слава Тебе.

Божественный Душа Святый, Иже всем разделяй дарования и вся творяй волею, вдохни ми светоносное Твоё дарование, яко да славлю Тя, Отцу и Сыну совокупляема.

Слава Тебе, Боже наш, слава Тебе.

Иже небесным силам святостнаго дохновения Твоего благодать даяй, Утешителю, моего смысла, яко Благ, скверну исчистив, святости Твоей покажи исполнена.

Слава Отцу и Сыну и Святому Духу.

Источниче жизни веруемый и струя естественныя благости, Душа Божий Святый, ум мой умерщвленный оживотворив, Твоим действом возстави пети Твоё Божество.

И ныне и присно и во веки веков. Аминь.

Богородичен: Храм, Дево, бывши Божий, нашествием Духа содетельною силою Его, силу дарующа рождественну, Благодатная, еюже родила еси плотию Слово Безначальное.

Песнь 3

Ирмос: Прежде век от Отца рожденному нетленно Сыну и в последняя от Девы воплощенному безсемено Христу Богу возопии: вознесый рог наш, Свят еси, Господи.

Слава Тебе, Боже наш, слава Тебе.

Имея по естеству, хотения силу стечну, небесныя премирныя, яко Бог содетельствуя, Дух Святый непрестанно учит вопити: Свят еси, Господи.

Слава Тебе, Боже наш, слава Тебе.

Песнами немолчными облиставшую благодать Духа богохвалных апостол в дыхании бурне, согласно славим, со бесплотными вопиюще лики: Свят еси, Господи.

Слава Отцу и Сыну и Святому Духу.

Едину власть, и Божество Едино, и силу, Едино начало и Царство Святыя Троицы, мудрствующе поем, в трисвятом гласе вопиюще: Свят еси, Господи.

И ныне и присно и во веки веков. Аминь.

Богородичен: Колеснице светоносная и светлое пребывалище, Всечистая, Херувим вышши сущи, Бога бо на руку носившая. Темже Ти вси вопием, Чистая: радуйся, Всеблаженная.

Песнь 4

Ирмос: Жезл из корене Иессеова и цвет от него, Христе, от Девы прозябл еси, из горы хвальный, приосененный чащи, пришел еси, воплощая от Неискусомужсныя, Невещественный и Боже, слава силе Твоей, Господи.

Слава Тебе, Боже наш, слава Тебе.

Великая даруяй нам Дух Все святый, на апостолы найде, яко Божествен, яко Благ, яко исполня всяческая, яко боготворя, яко освящая, яко всех Творителен, Владыческий и Самовластен.

Слава Тебе, Боже наш, слава Тебе.

На престоле, Христе, Отеческом сед, низ послал еси учеником Твоим Утешителя, якоже обещался еси, Спасе, яко Бога грядуща: посылая же несопротивна, яко всех Содетеля, из Отца исходяща.

Слава Отцу и Сыну и Святому Духу.

Глаголати языки пророк будущая научи Дух древле Все святый: языки же премудрых апостол вещает величия Божия во гласе дыхания бурнейша, ныне существенне спребываю.

И ныне и присно и во веки веков. Аминь.

Богородичен: Врата умнаго Света именуем Тебе, Богомати, имиже вниде к нам Христос, красен явися блестаньми Божества, в плотstem одеянии покровен, невидимъ, яко Бог: ныне же по нам видимъ.

Песнь 5

Ирмос: Бог сый мира, Отец щедрот, великаго Совета Твоего Ангела, мир подавающа, послал еси нам. Тем богоразумия к свету наставльшеся, от нощи утренююще, славословим Тя, Человеколюбче.

Слава Тебе, Боже наш, слава Тебе.

О, Душе премудрости и страха Божия, истины, совета и разума, мир подавай, вселился в ны, яко да освятившеся Твоим вселением, из нощи утренююще, славословим Тя, Человеколюбче.

Слава Тебе, Боже наш, слава Тебе.

Иже вся содержай и всех сый Господь, Иже тварь соблюдаяй непадаему, подаждь святыбу нам и просвещение, яко да насытившеся Твоего светодательства, из нощи утренююще, славословим Тя, Человеколюбче.

Слава Отцу и Сыну и Святому Духу.

Иже древле закон начертавый Моисею, новаго завета веления, и закон благодати излагает ясно, во апостольских сердцах написав, Божественный Утешитель нашед, яко Человеколюбец.

И ныне и присно и во веки веков. Аминь.

Богородичен: Клятву Евину, всех матере, Твоим Рождеством, Дево, упразднила еси, миру благословение возсиявши Христа. Темже, радующеся, усты и разумом Богородицу воистину Тя исповедающе блажим.

Песнь 6

Ирмос: Из утробы Иону младенца изблема морской зверь, якова прият: в Деву же всельшееся Слово и плоть приемшее пройде сохранишее нетленну. Егоже бо не пострада истилния, Рождшую сохрани неврежденну.

Слава Тебе, Боже наш, слава Тебе.

Твоим учеником исполня обещание, Духа, Христе, сим послал еси, действо великих чудес дарующа, и языки огнезрачныя дарствующа, да Твоего познания язык стада исполняют.

Слава Тебе, Боже наш, слава Тебе.

Прииди к нам, Душе Святый, причастники Твоего содевая святости и света невечерняго, и Божественные жизни, и благоуханнейшаго раздаяния: Ты бо река Божества, из Отца Сыном происходящий.

Слава Отцу и Сыну и Святому Духу.

Спаси, Утешителю, верно поюющих боголепное пришествие Твое, и очисти от всяких скверны, яко Благоутробен, и покажи достойны Твоего осияния, и светом Твоим боговиднейшим сотвори я нескверненна зерцала.

И ныне и присно и во веки веков. Аминь.

Богородичен: Весь лик прореческий, от Бога тайнонаучимъ, предлагола таинство неизреченного и Божественного воплощения Бога Слова из Тебе, Дево Мати: Ты бо истиннейший и древний Совет явила еси.

Седален, глас 8

Подобен: Премудрости слова:

Всесвятый Дух, ныне сошед на апостолы видом огненным, ужасом исполни языков собрания: языки бо глаголющих огненными, Человеколюбче, свою кийждо беседу слышаше. Темже и чудо неверным, яко пиянство, верным же спасительное воистину познавашеся. Сего ради славим державу Твою, Христе Боже, прегрешений оставления просяще низпослати богатно рабом Твоим.

Песнь 7

Ирмос: *Отроцы благочестию совоспитани, злочестиваго веления небрегше, огненного прещения не убояшася, но, посреди пламене стояще, пояху: отцев Боже, благословен еси.*

Слава Тебе, Боже наши, слава Тебе.

Ныне обетования предложение Христова исполняется: разделения бо языков Духа пришествие показа учеником, облиставшее от Троицы Единаго Пребожественного.

Слава Тебе, Боже наши, слава Тебе.

Древле убо разделися согласие языков безсловесное: ныне же ко единому сличеству яве собрашася, самодействующа честному и Божественному Духу, от Троицы Пребожественныя Единому.

Слава Отцу и Сыну и Святому Духу.

Свыше носиму дохновению Святаго Духа, величия Божия преславно вещаху апостоли Христовы, согласно поюще: отцев Боже, благословен еси.

И ныне и присно и во веки веков. Аминь.

Богородичен: Образ Твоего рождества трие отроцы в пещи показаша: яко бо пребыша огнем невредими, сохранилася еси чиста, приемши во чреве огнь нестерпимый, отцев Бога благословеннаого.

Песнь 8

Ирмос: *Чуда преестественаго росодательная изобрази пещь образ, не бо яже прият палит юныя, яко ниже огнь Божества Девы, в Нюже вниде утробу. Тем, воспевающе, воспоем: да благословит тварь вся Господа и превозносит во вся веки.*

Слава Тебе, Боже наши, слава Тебе.

Святый Душа, происходящий от Бога, святость всем подаждь в Тя верующим, Свят бо и подателен человеком святости Ты еси. Тем, воспевающе, воспоем: да благословит тварь всякая Господа и превозносит во вся веки.

Слава Тебе, Боже наши, слава Тебе.

Даеши подательне, яко Благодетель, дар благости, Тебе поющим, Утешителю: благих бо подателен еси и благости пучина. Тем, воспевающе, воспоем: да благословит тварь всякая Господа и превозносит во вся веки.

Слава Отцу и Сыну и Святому Духу.

Господь Животворящь есть Дух, Самодвижимъ, Самовластен, разделяя, якоже хощет, даров раздаяния, Самовладычен, Самоповелителен, Безначален. Тем, воспевающе, воспоим: да благословит тварь всякая Господа и превозносит во вся веки.

И ныне и присно и во веки веков. Аминь.

Богородичен: Ко Твоему премножеству благоутробия не дивится, Безначальне Слове? Нас бо ради обнищал еси, богат сый, и во чреве Девы Святыя вселился еси. Тем, воспевающе, воспоим: да благословит тварь всякая Господа и превозносит во вся веки.

Песнь 9

Ирмос: Радуйся, девственная похвало, радуйся, Мати Пречистая, Юже вся тварь Божественными песнями величаем.

Слава Тебе, Боже наш, слава Тебе.

Се к нам Утешителя иного низ послал еси, единосущна Тебе, Слове, и Отцу Твоему сопрестольна.

Слава Тебе, Боже наш, слава Тебе.

Спаси от искушения, Утешителю, Бога мудрствующая Тя и словословящая Твое превечное бытие.

Слава Отцу и Сыну и Святому Духу.

Приди к нам, Утешителю, Твоего утешения исполняй, славою Твою неизреченною благословяющия.

И ныне и присно и во веки веков. Аминь.

Богородичен: Невесто Божия Всенепорочная, словословящая Тя и чтущая достойно избави от искушений молитвами Твоими.

